

中國地方志集成

浙江府縣志輯⑫

光緒嘉興府志(二)

江蘇古籍出版社 ● 上海書店 ● 巴蜀書社

中國地方志集成
浙江府縣志輯⑫

出版 上海書店

(上海福州路四〇一號)

印刷 上海市印刷七廠

發行 新華書店

上海發行所

定價 二五九元

責任編輯 盧建幸

王海浩

封面設計 范一辛

1993年6月第1版 1993年6月第1次印刷

ISBN7-80569-823-6/K·118

沪新登字119号

重修嘉興府志序

國朝浙江通志開局於雍正九年李敏達進呈於乾隆元年
稽文敏迄今百有四十年矣其間因革損益更僕難數
兵燹之餘載籍失散中興之政百度維新及時纂輯無
可再緩於是當軸有續修省志議而徵文攷獻憑藉有
資省必先以府府必先以縣理也同治十三年秋檄縣
修志期其爲府志先也乃事越年餘惟海鹽王令延徐
太僕編次成書餘若善平石桐方議初始而告竣需時
嘉秀諸紳又以切近郡城擬附府志而暫行緩修勢不
得不急修府志以振各縣之綱領考舊志始於宋淳熙

嘉興府志

序

甲午郡守張元成而其書不傳岳珂擬重修又未竟去
任元代郡經歷單慶亦命徐碩爲之而版復未錄今之
託始者卽以至元一志爲最著明則柳邦用修於宏治
朝鄒衡補於正德朝趙瀛修於嘉靖朝劉應鈞修於萬
歷朝蓋三百年之久凡三修而一補也

本朝至今已四修康熙辛酉修者袁國梓庚子修者吳永芳
嘉慶庚申修者伊湯安道光庚子修者于尚齡袁志未
得見吳志亦尙簡畧最詳贍者莫如伊志雖其中田賦
散不合總鹽法與兩浙鹽法志有舛武備紀兵事只載
倭寇未免踈漏然朝章國憲搜索靡遺軼事前聞網羅

殆遍蓋時當乾嘉之際宇宙重熙累洽阮文達主持風
雅於兩浙禾中英才輩起讀書攷古有本有原其體製
典核華麗粹然可觀宜哉于志承伊志而變之削引用
之原書刪紀載之始末遺賦役之細款收浮薄之藝文
裁官師之列表采私家之骨董識者議之第由嘉慶初
至道光中四十年間之掌故經亂而足資考證實賴存
其梗概焉此次重修原本伊志而稍爲折衷亦擇善而
從之意耐考古地理之書多名圖經所重在山川方域
也茲境圖則水道加詳城圖則橋梁亦載瞭如指掌似
較前志爲密伊志首

嘉興府志

序

天章次

巡典蓋依熱河志例茲首

巡典次

天章則謹遵

南巡盛典例竊以爲熱河志乃出自

欽定盛典則撰自臣工也伊志城池門只載今城茲移古城於

前而仍註其詳於古蹟流虹一亭古蹟也伊志載入學
校茲改歸古蹟而第存其名於學校鴻博召試特科也
伊志統歸於選舉表中之上列似非所以昭異數茲另
標表前而彭美門之名次不以海鹽而抑以憲綱使居

嘉興與舉諸人之後所以崇

欽取也列傳門類悉從伊志而兩廡先儒則從于志特表於前凡此數端皆與伊志異者至金石一門分金分石而附之以甄此不獨與舊志異并與各金石之書異然而名與實符矣若高文恪本錢塘籍而舊入平湖錢文端嘉興籍也而其母南樓老人入海鹽屠叔方秀水籍也其母項氏入嘉興屠正嘉桐鄉籍也其母徐氏入秀水各賢母傳此中應別有原委仍從伊志不事更張焉顧近今以來時事變遷法度亦與之俱變所謂見聞異辭者非歟學額則有暫廣永廣矣漕運則有滬兌津收矣離

嘉興府志

序

三

政則有票運綱引矣郵傳則改用代馬船遞矣武備則有激仁水師之增矣營制則有減兵增餉之舉矣權宜募勇則有砲船水師之分防矣算緡助餉則有釐局之坐賈行商矣善後各政前因夷燬後有粵匪內既修平浙之書外更講通商之約嘉興切近海口地產蠶桑野堪雉兔華人時與洋人交錯而教民又構煽於中海防邊事官此者自宜慎之又慎故於武備之後附記中外交涉事件雖前志所未有然郝玉麟之修廣東志也以粵中市舶駢集特列外番一門識者稱其與通典述邊防而兼及海外諸國之意合是前哲固早已慮及之矣

又兵事之末談及槍匪或疑蟻蝨之害無關痛癢不知袁志序文云一二不逞之徒磨牙礪角日相尋於錐刀鋒刃之利而其類從之日以成俗豈種蠶之遺未盡漸減一再變而至此司世教者所宜感慨而痛念之由斯言觀之博徒鹽梟之倚船弄兵康熙時卽有此莠惡匪自今日始也痛殺數百人風稍熄矣而懲前毖後念念難忘筆之亦將以爲來者告耳且夫揚州舊城廩土塗泥厥田下上厥賦下上上錯七邑幅幘截長補短徑方不過百里而額銀五十六萬額漕五十八萬各有奇民力頗形竭蹶同治四年恭逢

嘉興府志

序

四

恩詔減漕挽歷朝積重之勢而轉之使輕蠲米之數至十四萬石有奇億萬家生民氣脈霍然一蘇已屬千載一時之盛而嘉善復免賠虧焉七邑又減貢絲焉同治三年粵逆盪平四年試征未荒未歉之熟田奉蠲三成焉凡此超今邁古之曠典一時並集閭里歡欣鼓舞而適躬際其休雖俗吏無文未能潤色鴻業然莅茲土者已十有五年於茲爲從前官師表中所無涓埃未報未免載筆躊躇仰惟

聖天子涵濡黎庶深仁厚澤鏤心刻骨何敢稍事疏忽於是詳稽官牘備載本末所謂中興之政百度維新者不其然

與不其然與夫足兵足食有關國計民生者為識大其名宦人物各類為識小李敏達通志序文嘗言之矣此志八十八卷而列傳至叢談合三十八卷居全書十之四中如忠義列女又占十七卷衡以前人末大於本同乎家牒之議似欠裁汰然地志之中增以人物太平寰宇記已開其端元明以來踵事增華勢難遠返矣况復咸豐庚申之亂秀州士女抗節赴義實繁有徒自甲子克復以來已十五閱寒暑而杭省採訪尚未撤局京師言官時有奏陳盡食毛踐土感恩衛國書之以扶世勸教具在乎此省中既編為錄郡志備載其名忠義一門

嘉興府志

序

五

詎得謂為過濫乎至若傳之可合者合之誤之當釐者釐之如桐鄉孝義載檀郎實係桐城嘉善古蹟載玉山實係雲間之類工時藝者不登文苑歸大雅焉非占籍者不入寓賢防再冒焉亦復以嚴謹為事矣列女接仙釋後通志舊例也茲於方外後間以忠義以示有別諸紳耆之雅意深哉是書計用經費番銀八千數百餅三成奉發公帑七成就地籌款始事於乙亥孟冬告竣於戊寅季夏稽之案檔者瑤一員吳縣秦嘉樂主之而旁考於文武寮案小引乃人撰也待乎採訪者嘉秀列傳撰於秀水恩貢生盛慶嘉善各門撰於教諭汪繩武海鹽各門錄徐太僕

儀所撰及副貢生徐用福所采輯平湖則舉人葉廉謬振貢生高綸元撰石門則舉人譚逢仕撰桐鄉則嚴刑部辰撰至經籍藝文則嘉興舉人陳其榮金石叢談祥異兵事則嘉興廩生石芳采節孝則桐鄉廩生嚴文浩諸人之力居多而統其成者吳山長仰賢焉採訪校刊各紳均列其銜名於左

光緒四年戊寅六月三品銜補用道浙江嘉興府知府善化許瑤光撰

嘉興府志

序

六

重修嘉興府志序

郡之有志所以備掌故誌沿革而治亂興衰之迹未嘗不寓其間故採風者恒以時修輯不敢緩也然舉行於承平之世爲易若經兵燹流離文獻缺乏之後而欲網羅散失以接續前志則其爲功也甚鉅而其致力也較難攷嘉禾之有志自元至始而紅羊之劫亦惟元末爲烈

國朝定鼎下江南其於我郡式遏亂略而已迨咸豐庚辛間遭寇蹂躪所在蕩如書籍有煨燼之憾老成多凋謝之悲凡昔時古蹟名勝金石刻畫之僅存者咸歸銷滅蓋

嘉興府志

序

視楊完者苗兵之禍殆有甚焉歲甲子天心厭亂郡治恢復善化許公來守郡哉奸慝撫瘡痍日不暇給而

朝廷方念東南士民苦寇久矣於是漕賦則減征學校則增解營制兵馬亦多所變易期於衛民而止公更推

國家所以與民沐浴更化之意養教兼施百廢具舉癸酉報

政於

朝

天子命仍蒞舊治至則益以扶正教拒邪說爲己任政暇乃進都人士而告之曰郡志修於道光庚子今版片無存舊者將湮而新者未續其曷以資考鏡昔至元志成於甲

申閱一百四十有九年至明宏治壬子而柳志繼之我

朝康熙辛酉袁公始輯新志距明萬曆庚戌劉志亦閱七十有二年中皆洊歷喪亂紀載散逸然至元以後啟禎以前事蹟卒賴此二書以存今庚子至今僅三十餘年耳其大者時政之有損益頒諸令甲職掌在余簿書冗闕不克躬自彙葺於郡掾中求敏於識果於事者得秦君

嘉樂

綜聚而剡錄之喜稱事惟是二三前哲其政績行

誼久孚衆望者宜分別甄錄以垂示無窮斯邦人之責也於是七邑之士退而各蒐葺舊聞條分件繫以上於公而取裁焉書旣成公命賢爲之序賢不敏於纂修事

嘉興府志

序

二

無所効焉然幸與參末議辭不獲命謹發明公刊志之故使後之覽者幸劫火之不蝕廢

皇澤之維新則我郡今日誠治亂興衰絕續之會也夫嘉興吳

仰賢撰

重修嘉興府志街名

總修

三品銜補用道嘉興府知府許瑤光 湖南善化縣人

協修

三品銜補用道浙江候補知府王維圻 江蘇上海縣人

浙江候補知府郭慶藩 湖南湘陰縣人

三品銜升用道浙江候補知府彭慰高 江蘇長洲縣人

道銜浙江候補知府史書青 江蘇溧陽縣人

知府銜嘉興府乍浦同知徐 阜 貴州黔西州人

知府銜嘉興府通判鄭形書 江蘇上元縣人

嘉興府志街名

補用同知署嘉興府通判事張毓麟 湖南善化縣人

分修

同知銜嘉興縣知縣羅子森 廣東南海縣人

同知銜署嘉興縣事候補知縣張 舜 四川仁壽縣人

四品銜嘉興縣知縣臧均之 山東諸城縣人

同知銜署秀水縣事候補知縣徐傳冕 江西豐城縣人

四品銜補用同知署秀水縣事正任錢塘縣知縣沈寶恆 江蘇元和縣人

同知銜秀水縣知縣黃兆槐 江西新城縣人

知府銜正任定海同知署嘉善縣事史致馴 江蘇陽湖縣人

同知銜嘉善縣知縣梁 琛 河南河內縣人

同知銜署海鹽縣事候補知縣王 彬 福建閩縣人

同知銜海鹽縣知縣司開先 河南長葛縣人

補用知府正任中防同知署平湖縣事姚光宇 江蘇溧陽縣人

補用知府候補同知署嘉興縣事正任嘉興縣知縣許嘉德 江蘇華亭縣人

同知銜平湖縣知縣彭潤章 貴州黃平州人

同知銜石門縣知縣余麗元 安徽婺源縣人

同知銜桐鄉縣知縣龔鳳岐 江西義甯州人

兼分纂事嘉善縣教諭汪繩武 杭州錢塘縣人

兼分纂事升用知縣浙江候補縣丞秦嘉樂 江蘇吳縣人

總纂

嘉興府志街名

前署雲南迤東道候補知府吳仰賢 嘉興人 王子翰林

分纂

甲辰科舉人葉廉鵬 平湖人

乙丑補行辛酉壬戌科舉人譚逢仕 石門人

丁卯並補甲子科舉人陳其榮 嘉興人

兵部主事武選司行走錢發榮 嘉興人 附生

副貢 生徐用福 海鹽人

恩貢 生盛慶瑞 秀水人

拔貢 生高掄元 平湖人

廩貢生候選訓導嚴文浩 桐鄉人

歲貢 生石芳采 嘉興人

採訪

內閣中書銜嘉興府教授嚴嘉榮 山陰縣人

嘉興府訓導莊振英 鎮海縣人

嘉興縣教諭查耀乘 海甯州人

五品銜嘉興縣訓導王震元 仁和公司人

內閣中書銜秀水縣教諭魏焜棟 仁和公司人

秀水縣訓導張書訓 烏程縣人

國子監典籍銜嘉善縣訓導張鼎元 仁和公司人

內閣中書銜海鹽縣教諭傅賁子 蕭山縣人

嘉興府志 街名

三

署海鹽縣訓導事候選訓導陳書 浦江縣人

內閣中書銜平湖縣教諭傅商霖 西安縣人

習平湖縣訓導事候選訓導王宗訓 麗水縣人

石門縣教諭高學治 仁和公司人

石門縣訓導馬捷先 餘姚縣人

桐鄉縣教諭魏熙元 仁和公司人

桐鄉縣訓導查光華 海甯州人

浙江候補驛丞林孝斌 福建人

原任江蘇陽湖縣知縣張清華 秀水縣人

記名內閣中書王朝瀚 丁卯舉人

己未科舉 人楊象濟 秀水人

己未科舉 人顧福仁 嘉善人

丁卯並補甲子科舉人錢清昭 秀水人

癸酉科舉 人張義增 嘉善人

癸酉科舉 人孫興壽 嘉善人

候選訓導倪廷藻 嘉興人

候選訓導孫融 附貢生

候選訓導王駿 附貢生

候選訓導唐敦坪 附貢生

歲貢 生徐厚 嘉興人

嘉興府志 街名

四

職貢 生屠以鈺 嘉善人

職貢 生許元杰 嘉善人

歲貢 生陳宗溥 嘉善人

歲貢 生徐燧森 嘉善人

廩膳 生屠樹榮 秀水人

廩膳 生胡其彬 嘉善人

附貢 生倪元釗 嘉善人

增廣 生許鼎鈺 秀水人

生 員陸費烜 桐鄉人

生 員范宗文 嘉善人

校勘

內閣中

書程宗伊

嘉興人
癸酉舉人

候選訓

導王福祥

嘉興人
附貢生

廩膳

生凌和鈞

嘉興人

廩膳

生陶玉珂

秀水人

生

員曹維城

嘉興人

監

生王宜祿

嘉興人

繪圖

浙江候補縣

丞顧緒洪

江蘇人
嘉興人

兼校勘事生員沈桐閏

嘉興府志

銜名

五

嘉興府志總目

卷首一

巡典

卷首二

天章

卷一

圖說

星野

卷二

建置

嘉興府志

總目

卷三

疆域形勝附

卷四

城池坊巷市鎮附

卷五

橋梁

卷六

公署一

卷七

公署二

卷八

學校一 書院義塾附

卷九

學校二

卷十

壇廟一 祠祀附

卷十一

壇廟二

卷十二

山川一

嘉興府志

總目

二

卷十三

山川二

卷十四

古蹟一 園宅附

卷十五

古蹟二

卷十六

坊表

卷十七

冢墓

卷十八

寺觀一

卷十九

寺觀二

卷二十

戶口

卷二十一

田賦一

卷二十二

田賦二

嘉興府志

總目

三

卷二十三

蠲卹一 養育附

卷二十四

蠲卹二

卷二十五

倉儲

卷二十六

漕運 海運附

卷二十七

鹽法

卷二十八

郵傳

卷二十九

水利

卷三十

海塘

卷三十一

武備 海防 歷代兵事附

卷三十二

農桑

嘉興府志

總目

四

卷三十三

物產

卷三十四

風俗

卷三十五

祥異

卷三十六

官師一

卷三十七

官師二

卷三十八

官師三

卷三十九

官師四

卷四十

官師五

卷四十一

官師六

卷四十二

名宦一

嘉興府志

總目

五

卷四十三

名宦二

卷四十四

選舉一

卷四十五

選舉二

卷四十六

選舉三

卷四十七

選舉四

卷四十八

選舉五

卷四十九

選舉六

卷五十

列傳一 嘉興

卷五十一

列傳二 嘉興

卷五十二

列傳三 秀水

嘉興府志 總目

卷五十三

列傳四 秀水

卷五十四

列傳五 嘉善

卷五十五

列傳六 嘉善

卷五十六

列傳七 海鹽

卷五十七

列傳八 海鹽

六

卷五十八

列傳九 平湖

卷五十九

列傳十 平湖

卷六十

列傳十一 石門

卷六十一

列傳十二 桐鄉

卷六十二

列傳十三 方外

嘉興府志 總目

卷六十三

忠義

卷六十四

列女傳一

卷六十五

列女二

卷六十六

列女三

卷六十七

列女四

七

卷六十八

列女五

卷六十九

列女六

卷七十

列女七

卷七十一

列女八

卷七十二

列女九

嘉興府志
總目

卷七十三

列女十

卷七十四

列女十一

卷七十五

列女十二

卷七十六

列女十三

卷七十七

列女十四

八

卷七十八

列女十五

卷七十九

列女十六

卷八十

經籍一

卷八十一

經籍二

卷八十二

藝文一

嘉興府志
總目

卷八十三

藝文二

卷八十四

藝文三

卷八十五

藝文四

卷八十六

金石

卷八十七

叢譚

九

卷八十八

舊志敘錄

嘉興府志

總目

十

嘉興府志卷首一

巡典

康熙二十八年二月

聖祖仁皇帝南巡自蘇州啟

鑒至嘉興

駐蹕水營次日自嘉興啟

鑒幸杭州

回鑾過嘉興

駐蹕如前

是月奉

嘉興府志

卷首一

巡典

諭頃經維揚民間結彩歡迎盈衢溢巷雖出其恭敬愛戴之誠恐致稍損物力甚為惜之前途經歷諸郡縣宜體朕意悉為停止又見百姓老幼男婦奔走雜還瞻望恐後未免喧嘩擁塞念此行原以為民不嚴警蹕但人眾無所區別高岸水次或有傾跌之虞此後止於夾道跪迎勿得紊亂追趨致有諸患又

諭政治所先在崇文教江南浙江為人文萃集之地入學額數應酌量加增永昭宏獎自南巡以來所經過地方官員凡因公註誤降級留任者俱准與開復降級調用者著帶所降之級留任其經過地方見在監禁人犯自康熙二十八年二月

十一日以前死罪及軍流徒罪以下已結未結俱著寬釋以示赦罪宥過之意又

諭近見民間有建立碑亭稱頌德意者雖出羣黎感戴之誠但恐各郡皆然未免致損民力誠使閭閻殷阜則裨益良多碑亭何與焉嗣後亦宜停止江浙錢糧既經蠲豁猶虞有不肖有司借端詞訟戕削民生著該督撫嚴行禁飭

三十八年三月

聖祖仁皇帝南巡自蘇州啟

鑒至嘉興

駐蹕水營次日自嘉興啟

嘉興府志

卷首一

巡典

二

鑒幸杭州

回鑾過嘉興

駐蹕如前

是月奉

諭頃至蘇州府駐蹕浙江文武官吏及在籍官員有迎謁于行在言浙民望幸之心至殷且切合詞諄懇不啻再三朕勉徇輿情揚旌前發以三月十九日啟行自京師以來一切供御之需皆出儲備其沿途日用令該衙門照各地方時價採辦一無所累於民如有官吏借名科派致擾閭閻者察實以軍法從事地方大小文武官員與扈從官員借稱親舊私相餽

遺與受之人及扈從大小官員隨從人等有橫行生事者一並軍法從事凡經過地方百姓各安生業皆如常時務令廩無廢市隴不輟耕毋得違遽引避方今正屆農時所過田畝勿令踐蹈其軍民人等懷挾私怨受人指使擅於駐蹕處所輒行告訐者一概嚴禁不准仍照衝突儀仗例嚴加治罪又諭頃自江南巡歷浙省沿途供御悉經儲備不以纖毫取辦閭閻而地方官料理夫船等項一無缺誤殊屬勤勞此等官員有因公誣誤罰俸住俸降俸降級革職留任者著察明悉從寬免又

諭朕巡視東南行次浙省因官吏軍民依戀誠懇特留蹕數日

嘉興府志

卷首一

巡典

三

以慰喁喁之情獨念獲罪人犯身淹刑獄一千法網無由自新茲乘輿經臨惻然矜憫用沛好生之澤聿示格外之仁該省各屬地方有犯罪現在監禁者除十惡等真正死罪及詔款不赦等罪與官吏犯贓不宥外其餘自三十八年三月二十六日以前死罪以下已結未結悉著寬釋四月奉

諭視河事竣巡歷江浙咨訪民間情形見淮揚一路既因潦災而他所過州縣察其耕穫之盈虛市廛之贏絀視十年以前實為不及此皆地方有司奉行不善不能使實惠及民朕目擊靡懷亟思拯卹截留錢糧寬免積欠另有諭旨惟各鹽差關差向因軍需繁費於正額外令在差官員以所私得贏餘

交納充用今思各官孰肯自捐私橐勢必仍行苛取商瘠民困均坐此弊著將加增銀兩一概停罷以舒商民之累此外有應行應革事宜朕還都以後仍加商推次第舉行該督撫藩臬皆地方大吏亦著細心體訪凡有可爲民興利除害者作速勘實陳奏嚴革雜派禁止刁訟然後胥吏不能作奸良民得以安業倘官吏有悖旨妄行許商民首告該督撫察出卽行叅奏又

諭江南浙江人文稱盛入學名數前已酌定增額今著於府學大學中學小學各增五名舉行一次以示獎勵人才至意

四十二年二月

嘉興府志

卷首一

巡典

四

聖祖仁皇帝南巡自蘇州啟

鑾至嘉興

駐蹕水營次日自嘉興啟

鑾幸杭州

回鑾過嘉興

駐蹕如前

是年恭逢

聖祖仁皇帝五旬萬壽三月回

鑾至京師

頒發

恩詔布告天下次年十月奉

諭昨歲南巡至浙江見其農桑徧野戶口繁殖閭閻氣象較勝于三十八年巡幸之時甚爲心慰浙省錢糧雖前此屢經蠲貸而車駕經臨應更敷恩寬恤俾民生益加充裕當回鑾以後卽擬免四十三年額賦因山東急賑災荒遂爾少緩曾頒有諭旨茲直省皆獲有秋特申前命康熙四十四年浙江通省應徵地丁銀米等項除漕糧外著俱行蠲免

四十四年四月

聖祖仁皇帝南巡自松江啟

鑾至嘉興

嘉興府志

卷首一

巡典

五

駐蹕水營次日自嘉興啟

鑾幸杭州

回鑾駐嘉興如前

是月奉

諭頃因親閱河工濟江南至于浙省見民間生聚殷繁菜畦麥隴遠近彌望農事可冀豐穰朕心用以稍慰凡車駕臨幸之地必大敷膏澤以下逮黎元而各省錢糧屢次遞蠲浙江本年地丁銀米又經全免無可加恩惟是刑獄爲民命攸關朕每當重罪奏讞之時深切矜恤今乘輿所至父老子弟來道歡迎而身陷囹圄之人獨自新無路朕甚憫焉浙江福建